

# БЛАГОВѢСНИКъ



И ВРАГА ДЛОВА НЕ  
ОДОЛЬЮТЬ ЕЙ... Мф. 16, 19.

# ПОДКАРПАТСКИЙ БАНК в УЖГОРОДЪ

ПЛОЩА МАСАРИКА 11.

ОСНОВНЫЙ КАПИТАЛ 5.000.000 К.

ФІЛІЮ МАЕ В АМЕРИЦЬ ПОД ФІРМОЮ:

„American Foreign Exchange Bank“ of Mc. Keesport, Pa.

В МУКАЧЕВУ Головна улиця (дом Мукачія) В ЯСЕНЮ.  
а також

ТЕЛЕФОН:

№ 47.



Чек конт. почт. щадн.

№ 2978.

ЦЕЛЬ БАНКУ:

- а) Матеріально и морально подпирати наш б'єдний руській народ.
- б) Здобыти матеріальну независимость для Подкарпатской Руси.
- в) Забезпечити богатство (скарби, сокровища) Карпатов для всіх наших Русинов.

Взагалъ заниматися буде банк всіми дѣлами и вопросами, котрыми тисячами народа мож забезпечити роботу, заробок и добробыт.

Особливо заниматися буде наш банк: Дисконтацію вексилков, веденем б'єжучих рахунков, позичок вкладами, закупом товаров, промыслом, торговлею, господарством, поставленям фабрик и заводов.

## РУСИНЫ АМЕРИКАНЦЪ УВАЖАЙТЕ!

Наш банк переведе вам найдешевше замъну долларов, драфтов и чеков. За вкладки платить банк 4%. — У всяких финансовых (грошевых), господарских вопросах, хто ся до нас оберне ОДПОВѢМЕ БЕЗПЛАТНО.

## ПОДКАРПАТСКИЙ РУСИНЫ!

Подпирайте свой одинокій руський банк, свою власну інституцію,

Се ваша слава, честь и будучность.

УПРАВА ПОДКАРПАТСКОГО БАНКА.

Число 3.

Ужгород, марта 1922.

Рочник II.

# ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить раз в мѣсяць.

АДРЕС:  
редакції и експедиції:  
REDAKCIA „VLAHOVISTNIK“  
Užhorod, Kapitulska 3.

## ПРЕДПЛАТА:

на рок .....	10 К
одно число ....	1 К
За границу ....	15 К
Америки ..	25 с (1/4 Д)

## ОБЯВЛЕНИЯ

принимаются по цѣнѣ	
за 1 сторону ..	120 К
за 1/2 сторону..	75 К
за 1/4 сторону ..	50 К

## ПІЙ XI.

Може, что еще и незанѣмѣв послѣдній го-  
лос звоночный, оплакуючій смерть усопшаго Па-  
пы Римскаго Венедикта XV.-го — коли в Римѣ,  
на площади св. Петра уже со величим одушев-



Сторона 2.

„БЛАГОВѢСТНИК“

Рок 1922.

леньем чула десятьисячна толпа totu радостну вѣсть: „маєме Папу!“ 6-го фебруара тѣкущого года из божого провѣднія, посредством кардиналов цѣлого свѣта избран новий наслѣдник св. Апост. Петра: кардинал Ахиллес Ратти, котрый як новоизбраний Папа выбрав собѣ имя: *Пій XI.* появився и удѣляв свое благословеніе. Притомный народ упаде на колѣна. Люди смиренно бють собѣ груди. Принимаютъ первое благословеніе видимоѣ головы Церкви. Сеземный Намѣстник Христа Спасителя благословляє всѣх христіян цѣлого свѣта, которымъ въ серцахъ зашибається дватисячлѣтный голосъ Іисуса Христа: „Аминь, аминь, глаголю вамъ, яко восплачуетесь и возрыдаете вы, а міръ возрадуется: вы же печальни будете, но плачъ ваша радость будеть“ (Іоан. 16., 20.)

Сумнѣ 'сьме были. Теперь радуемся. Не лиш за то, что всемогущій Бог обдаровав Церков свою осирочену видимым Управителемъ, но радуемся съ повода его избранія и так, як славяне. Въ особѣ Святѣйшого Отца Пія XI-го такій чоловѣкъ ступив на тронъ св. Апостола Петра, котрый добре познае религійнѣ потребы славянскихъ народов и разомъ знакомитый со ихъ національными интересами.

Новый Папа Римскій родився въ селѣ Десії, коло города Медіолана года 1857-го. Въ Медіоланѣ скончивъ свої студії. На священника посвященъ годомъ 1879. Як прелат быв духовнымъ управителемъ колоніи студентовъ нѣмецкихъ. За 25 годовъ робивъ въ бібліотецѣ Амброзіянской. На университетъ профессоръ и отъ года 1914. префектъ

Рок 1922.

„БЛАГОВѢСТНИК“

Сторона 3.

ватиканской бібліотеки. Интересно про нас, гра-  
жданинов слов. Республики, что як архиварь  
выдав „Kodex Pražsky, za život bl. Anežky česke.“ Со  
славянским народом и напими Закарпатскими  
братьями познакомився як апостолскій визитатор  
и от года 1919. як апостолскій нунцій в Вар-  
шавѣ Но тут не довго перебывав и вже 1921-го  
года іменованый Медіоланским архієпископом и  
дня 16-го іюнія года 1921. став кардиналом. Но-  
вий Папа Римскій 65 годов мае.

Теперешнього Отца Римского оден нѣмецкій  
унив. студент, коли еще лиш прелатом быв — не  
зів як треба го кликати (бо студент протестант  
быв, та лиш грошей хотѣв получить) так му ка-  
зв: Папо Молодый!“ На что засмѣявшись прелат  
и питается: „У вас священика так кличуть, па-  
то молодый?“ Заганьбився студент и чтобы вы-  
правив ошибку каже: „Нѣт, нѣт, прошу, пере-  
бачте! Я то хотѣв казати: Папо Молодый!“ Сесь  
ученик звав его *перший раз* Папою.

Молїмся Богу, чтобы из между заблудших  
и от паства Паши Римского отлученных хри-  
стіян, Подкарпатскѣ схизматики были *першими*,  
*котрѣ вернутся назад до Рима*, от которого подпла-  
ченъ агитаторы их оторвали.

Крѣпковѣрнй.

---

**Что можеме читати?** Албан Штолц каже: Небо  
а пекло воює днесь на папери письмом. Если  
хочеш быти Христов, тримайся к доброму чи-  
танию. Каждым геллером, котрый выдаеш на  
подлѣ новинки та книжки, даеш запоруку  
діаволови за свою душу.

## Думки на великий Пост!

Не раз чути нарѣканя на то, что Св. Церков вѣрникам своим предписує постити и особливо молодшѣ звыкли говорити: Докѣ я молодий, доти уживаю свѧта, бо молодость переминае!

А безвѣрнѣ бѣдняки так звыкли ся извиняти: Тогда пощу я доста, коли не маю что ѿсти!

Сякъ бесѣды розношують туту фалшиву гадку, як бы было в лѣтах и годах счастливых дозволено грѣшити, во всяких надужитях и розпустах жити.

Та кто таким порожним бесѣдам вѣрує, сам себе чалує, обманює.

Подумай лиш ты молодче, что твоя красна молодость даже скоро минає. И если ты прожиешъ сесю важну часть житя во грѣхах и пристрастях, в мѣсто вправ побожности и невинности, что собѣ приготовиш на дальшѣ лѣта?

Звѣдаю тя, ци може чекати богатое жниво тот, котрый у яри не орав и не съяв, або кто бы посъяв лиш куколь и зерна бурянов? И ты так походиши, коли дорогу весну (ярь) твоєї жизни промарниши.

Коли ты передашся роскошам и сладостям, а воздержаніе лишиши лиш на дни бѣд и недостатков; тогда тоты дни счаствия оставлять за собою лиш горьку памятку жаля и грызоту совѣсти!

Не се е воля Божа, но то, обы мы „духом ходили, и похоти плотскія не совершали“. (Галат. 5, 15.)

Кто надмѣрно любить свѧтг и тѣло свое, тот творить дѣла плотскѣ: блуд, нечистоту, чародѣйства, вражды, завиды, яости, соблазни, ереси зависти, убийства, пьянства, и подобнѣ. (Галат. 5, 19.)

А кто так жіе, того напоминае св. Апостол Павел, „яко таکовая творящіи царствія Божія не наслѣдять“. Галат. 5, 21.)

Нѣт, братя, мы не есме сынами свѧта и діявола, но желаєме быти сынами Божими. Мы маеме переобразоватися „во еїже искушати, что есть воля Божія, благая и угодная и совершенная“. (Рим. 12, 2.)

Рок 1922.

„БЛАГОВѢСТИК“

Сторона 5.

Мы повиннѣ творити плод духовной, который есть „мир, долготрпнів, благость, милосердіе, отра, кротость, воздерожаніе“. (Галат. 5, 22.)

Никто не може служити нараз двом панам. „Не можете Богу работати и мамонѣ“. (Має. 6, 24.)

Не можеме сю повинность нашу откладовати на будучность, на старость. Бо кто знае, ци дожіеме ще до завтрашнього дня. От початку свѣдомого живота нашего маеме постоянно стремитися ко Богу, подноситися ко Нему, усвіршатися.

Для того и подає нам Св. Церков так добру и святу нагоду во постах.

Со любовю кличе она нас: Не любѣть вы суеты свѣта, но привяжуйтесь ко солодостям земным, но глядайте цѣннѣйшо, глядайтѣ такѣ варгости, котрѣ на вѣки остануться варгостими! Глядайтѣ волю Божу, плоды духа!

„Ии ряя вишли'сме через заказанну страву, так че роз ноздоржаніе маеме собѣ назад приобрѣсти утрачений рай“, — киже св. Григорій пача.

Мы постиме, ибо сесим дѣлаємо Богу милое а душам нашим хосенное дѣло, которое подкрѣпляє силу души над тѣлом, придає нам внутренноѣ независимости и свободы.

Постиме, ибо и Сам Христос, апостолы и святѣ постили, постиме, ибо сесим проуказуеме послушность нашу ко Богу.

Пост не шкодить тѣлу, но еще и хоснue здоровлю.

Счастливѣ тоты, котрѣ знаютися варовати от радостей онута.

И сам Спаситель не лиш учив, но и сам постив и попошилѣв роскоши и грѣховнѣ солодости земнѣ.

И вѣруйте, что счастливѣйшій е' тот, кто творить плоды духовнѣ, кто жіе у воздержаніи, кто постить, кто угодить душѣ, кто дарує бѣдному, як тот, кто служить лиш похотим тѣла, кто любить богато юсти, пити, веселитися.

Вѣруйте, что тотѣ плоды духовнѣ наполняють сердце иши такими радостями, что по словам одного писателя жи-

Сторона 6.

„БЛАГОВѢСТНИК“

Рок 1922.

тье такого чоловѣка е безнастанным пиром, бо в его сердцю бывае Бог.

К сему пиру, к сему счастливиому житю зове нас Церков через св. Пост.

Цу е „время дѣлательное“, слезами умиленія обмыйме душу нашу от збытка свѣта, и принесъм „плоды добродѣтелей“.

Ибо приближається „жених — Христос“, „при дверех суд“ !



## Кто есть наслѣдник св. Петра?

Св. Петро быв голова Церкви. Звѣдаєся, ци смертю его перекратилася, изчезла верховна церковна власть, або перейшла на дакого? А если перейшла, та на кого? Глядайме отвѣт на сесѣ важнѣ вопросы.

1. Что верховна власть св. Петра не могла изчезнуть, но мае продолжатися и теперь существовати, то требуе и здоровий чловѣческий розум. Во, если потребный быв головный пастырь в часах св. Петра, коли еще число вѣрников малое было, чому бы не была потреба головного пастыря теперь, коли число вѣрников выросло на 270 міліонов?! Если нужно было верховному пастырю сохраняти и обезпечити единство вѣры в часах св. Петра, коли як св. Писаніе каже у всѣх „была одна душа и одне сердце“, як бы не была потреба на верховного пастыря позднѣйше и тепер, коли всякѣ ереси, роздоры и лжеучителі на-

Рок 1922.

„БЛАГОВѢСНИК“

Сторона 7.

падали на Христову Церков? Нѣт, не можеме предполагати, что I. Христос только па тых христіянов думав, котръ за часов св. Петра жили и других христіянов многих минувших и будучих вѣков оставил без головного пастыря, без ключей царства небесного и без твердокаменной основы. Волѣв бы быв Христос жадное главенство основати, як главенство на такій куртый час!

2. Но если не могла сеся верховна власть изчезнути, та тогда на кого перешла; де глядати того епископа который себе верховным пастырем держить и ди мае на се полное право?

Интересное дѣло, что никто из епископов, ни константинопольскій, ни александрийскій, ни московскій и т. д. не смѣв и не смигѣ себе верховным пастырем и наследником св. Петра держати. Такій епископ па цѣломъ свѣтѣ только еден быв и е „римскій“ который себе от смерти св. Петра постоянно наследником верховного апостола считает и таким считали его до шизмы всѣ правопрѣдѣль христіяне.

И дѣйстно, де бы инде глядати наследника св. Петра, як в Римѣ, там де св. Петро за 25 роков жив, як верховный пастырь управляв стадом Христовым, и на концѣ умер и де его тѣлесиѣ остатки и тепер спочивають. Котрый город має большое або хоть лиш такое право для себе требовати наследника св. Петра? Константинополь, де св. Петро николи не быв, Москва, который город еще тогда и не существовав, Витенберг, Генѣф, де Лютер и Кальвин оторвались от Христовой Церкви и от законных наследников св. Петра? Если бы тепер — положим св. Петро воскрес, куда бы отправився глядати своего наследника, до Москвы, до Константинооля, до Сербіи, до Нѣмеччини? Або скорше туда, де над его мощами великолѣпна Церковь стоить и бынае тот архіерей, кого еще и днесъ 270 мил. людей за его наследника держать.

3. Противники наши часто голосять туту мысль, что римскіи епископы в первих столѣтіях еще и самѣ не приписали собѣ первенство и головну власть в Христовой, Церкви но считали себе такими простыми епископами як и другѣ. И, что такое было и убѣженіе народа.

Опровергнути сесю лож из многих только еден доказ принедеме, который обяснить нам, як в первом столѣтію, — неудивно по смерти ап. Петра, коли еще жили люди, котръ чули

проповѣди апостолов — мыслили римскѣ епископы и сам народ о папской власти.

В 91-ом роцѣ т. е. только 24 роками по смерти св. ап. Петра на папском престолѣ сидѣв св. Клемент, уже третій наслѣдник св. Петра. В том же часѣ в Ефесѣ еще жив Христовыи ученик св. Іоан. В сих часах случилося, что в Коринѣ повстали якѣсь безпорядки, а люде, хотя Ефес до них много близше был, як Рим, и хотя в Ефесѣ еден Христовыи ученик жив, однак Коринѧне предложити дѣло для рѣшенія не пошли до близкого Ефеса, до св. Іоанна, но сѣли на корабль и отправилися в далекій Рим, до наслѣдника св. Петра. Что се значитъ? Се только значитъ, что уже в тых часах вѣрники знали, что не св. Іоан, або другій апостол, но св. Петро, а по смерти его римскій епископи есть голова Церкви.

А что казав св. Клемент послам? Ци казав им, что менѣ до вас, чому не идете до своего епископа, або до св. Іоанна, тадь я як чужій епископ ніякого права не маю мѣшатися в дѣло вѣрников такого далекого края?! Противно! Св. Клемент зпавше, что он як головный пастырь має право управляти цѣлым стадом і. Христа, написяв до коринѧнов одно строгое посланіе, в котором воззывае их повиноватися своим начальникам а „если да и отрѣ не послушаютъ того, что Христос через нас вѣща в, най знаютъ, что их душам угрожае велика опасность (Посл. к Кор. гл. 59). Что из сего слѣдує? Прямо то, что так писати только такій чоловѣк мог, кто глубоко убѣжден о том, что он верховну власть має не только в римской епархіи, по над цѣлым христіянским свѣтом.

А Коринѧне, что казали до строгих слов посланія Клемента? Ачей протестовали и обвиняли Клемента гордостю, властолюбовію, что он вмѣшаєсі не во свое дѣло? Противно! Посланіе наци прияли с таким уваженіем и навѣть богословіем, что еще долгъ потом читалося в Коринѣской церкви наряду с апостолскими посланіями!

Само так было то и в позднѣйших столѣтіях. В II-ом столѣтію греческѣ церкви обращаются к папам, чтобы завести в цѣлой Церкви одновременное празднованіе Пасхи. В III-м столѣтію папы осуждают не только ереси и заблужденія римской епархіи, но и появившиися в отдаленых церквях. Так папа Зефирин (203—220) отлучае от Церкви мон-

танистов, папа Стефан 257—260) осуждає африканський обычай перекрестити еретиків и т. д. В IV-ом століттію всі важніші діла Церкви рѣшаються римським єпископом, котръ постійно так письмом як и ділом указалися дійствими головами Христової Церкви. Из премногих буде дозволено слова только одного римського папы привести, Льва Великого, котрого так западна, як и восточна Церков ровно называє святым и столпом православія. Он так говорить: „В лицѣ моего недостоинства слѣдує смотрѣти того, почитати того, в ком пребыває попеченіе над всѣми пастырями, со вѣренными им стадами (т. е. св. Петра), и чье достоинство не изчезає навѣть в недостойном наслѣднику“ (4 слово в годовщину. Минь. т. 54, ст. 153).

Так думали и так говорили всі папы от початку существування Церкви, до нинѣшнього часа. Из котрьих пап не одного святым и столпом православія почитає и шизматицка Церков и імена их находяться во всіх шизматицких богослужебных книгах. Так: 2-го января — св. Сильвестер, 18-го фебр. — св. Лев Вел., 12-го марта — св. Григорій, 8-го квітня — св. Келестин, 25-го нов. — св. Клемент. Если всі папи били властолюбцами и незаконно собѣ присвоили верховну власть в Церкві, як може быти, что не только западна и „православна“ Церков считає их святыми и воздає им поклоненіе?

Если шизматики считають ложним наше ученіе о гланопостѣ папы, тогда должны виновниками и лжеучителями считати святых пап Льва, Григорія, Сильвестра и т. д. и бросити хулу на таких мужей которых так западна, як и восточна Церков святыми почитає. Такій отречеся так от каолическої, як от шизматицкої Церкви.

---

Не украшайме вѣроломників красною назвою: православний! Их правдивое имя, что собѣ повно заслужули: шизматик (отступник). Единственно мы носиме с полным правом імя православный, бо мы есме наслѣдниками св. отцов Василія Великого, Іоанна Златоустого, Аѳанасія и прочих; великих славянских апостолов св. Кирилла и Меѳодія, котръ исповѣдали „православну“ вѣру, держали „греческій“ обряд и принадлежали до „каолической (соборной) церкви.



## Смерть церковного вломника.

До одной сельской церкви вломився раз злодѣй. Богато нарабив он там шкоды; что далося взяти — забрав с собою. Але что найгоршое, святохрощаць посмѣлився розбити кивот, де перебывав Ісус Христос в найсв. Тайнѣ Евхаристії. Св. Тайнѣ порозыпав по ступенях престола, а чашу забрав с собою.

Яко сем довѣдався священник, та зараз зарядив для цѣлой парохії публичнѣ набоженства, чтобы вынагородити Ісусу Христу здѣлану зневагу.

Подозрѣніе упало на одного чоловѣка, который в селѣ не мав доброй славы, бо любив часто загостити у корчму и часто чули от него противовѣрнѣ бесѣды. Многораз подняв голос против тамошнього старца-духовника и в корчмѣ явно бунтовав вѣрников против него. До того прилѣжним читательом и предплатником быв всякой без- и противорелигійной газеты, котрѣ его помало привели до цѣльковитой безбожности. Имя сего розпустногого чоловѣка было: Юрко Ястриб.

Не дивно таже, что на чим рознеслася поголоска по селѣ, что ктось обокрав церковь, так зараз упало подозрѣніе на Юрка. Закликали жандаров и подозрѣлого поставили перед суд. Довго звѣдався судія обвиненого, довго глядав якогось доказу, ци то он обокрав церковь, але не мог найти. Юрко клявся небом и землею, что он невинен, а в конди еще потвердив свою невинность публично присягою: „Если я взяв чашу, — казав — то не хочу мати жадной участі с Богом и най умру без найсв. Тайн“.

По такой страшной присязѣ его уволнили. Але что ся стало? Ледво выйшов из суду, поблѣд, як стѣна, потом посинѣв аж страшно. Млость ударила на него и ослаб так, что ледви приволокся до своей хатини.

Рок 1922.

„БЛАГОВѢСТИК“

Сторона 11.

Жонка аж крикнула из страху, коли побачила его так страшно змѣненого. Дасколько дньов крутився еще Юрко як сповида коло хижы, уже не ходив ани до корчмы, вшиткого боявся, всѣх уникав, аж в конци звалився на смертну постель. Священик дасколько разов нащивив хворого, заохочовав его до сповѣди, але тот все отповѣдав: „Я еще маю коли“. Перед самою смертю довго-довго просила его жонка, чтобы помирився с Господом Богом, приняв елеопомазаніе, бо неудовга стане перед справедливым Судією, але все на дарьмо. Однакож жонка послала таїй за священника, але коли тот пришов, Юрко уже умер.

Жонка оповѣла священнику, якъ страшнѣ хвилѣ переживав перед смертю ей Юрко. Вшитко от себе откидав, из розпуки рвав на головѣ волося, лаяв священнику, проклинаю церковь, найсв. Тайну Евхаристії, хулив Бога.

У колько днів по его похоронѣ нашли в его постели стрѣберну чашу. Правда вияснилася. Цѣлое село довѣдалося, что Юрко обокрав церковь и всѣ были свѣдками, як страпчио Господь Бог помстив святоокрадство.



## Лжеправославіе на папери и в животъ\*).

„Р. Правосл. Вѣстник“ сообщае „Архицастырское посланіе“ сербскаго Досиоєя, епископа заблудших Подкарпатских Русинов. В сем посланію домашнѣ шизматики могли дивное дѣло читати.

\* Сесю статю из недостатка мѣста, лиш тепер сообщаемо. Ред.

1. Досиੋей починає своє посланіє : „Христос наїжджається, славите“. Что ? Думає шизматик, мы маєме Христа славити ? Та наши агитаторы почали агитацію с тым, что поклоненіе „Слава Іисусу Христу“, то е папишское ! А теперъ сам наш „сербскій“ епископ учить нас на папишское поклоненіе ?

2. Справедливый чоловѣк має быти тот Досиੋей, бо не забуде похвалити и наших гр.-каѳ. священников ! Як ? „Не буду разсказывать подробно про Рождество Христа Сп., вы уже с молодых лѣт слышите ежегодно повѣстование этого события“.

От кого слухав наш Подкарпатскій народ „повѣстование этого события“ если не от гр.-каѳ. священников ?! Сесь священники так добро исполняли свою должностъ, что сам Досиੋей не може ничего додати до их ученія. Ци будуть знати на дяку и на удовольствіе Досиੋея научати народ тоты „батяшки“, котрѣ богословіе коло свиней и коло коней кончили, як кондаши и кочьши ?!

3. „Слава въ вышніхъ Богу, ибо между людьми нѣтъ такого... который не могъ бы Его помѣстить въ своемъ сердце“каже Досиੋей. А вѣрники его насильством, террором далеко держать Христа от гр.-каѳоликов. Кто из села шизмою почареного осмѣлиться до гр.-каѳ. церкви ити на другое село, тог от „Досиੋевских“ каменя достане. Найсвятѣйшу Тайну Евхаристіи до коанючого не може нести гр.-каѳ. священник, бо шизматики голову ему провалять. Многѣ, многѣ правѣ про вѣрников Досиੋея не могли на смертельной постели сповѣдатися и „помѣстить Христа въ своемъ сердце“. Не робили иншак и самѣ погане в первих столѣтіях, коли позабивали несучих св. Евхаристію до хворых. Вот „православіе“ в посланію Досиੋея и в селах шизматических !

4. „Недобрая, нехѣдрошая, нѣблагая воля являється постремъ всѣхъ неспокойствъ и Богу противныхъ поступковъ“. Ци може дакто еще лѣпше осудити „поступки Богу противнѣ“ наших шизматиков ? Памятайме якими средствами забрали они собѣ нашу церкви. В одном селѣ забили старца куратора ; в другом на самый праздник Воскресенія розломили дверѣ церкви, в иных у ночи выгнали старого духовника, знов ключи церковнѣ насилою взяли и кто бы мог изчи-

Рок 1922.

„БЛАГОВѢСТИК“

Сторона 13.

слити всѣ беззаконности здѣланї шизматиками, котрѣ явно свѣдѣать их „недобрую, нехорошую, неблагую волю“.

Лиш то чудно по сим, что они с тым смѣютъ гордитися, что они перейшли на „тверду“ вѣру, истину православну. Но мы из такой вѣры не просиме. Най подержутъ собѣ такѣ, котрым Слава Бога состоять в таких чеснотах: чужій маєток ограбляти, церкви оскверняти, колодязы нафтою отроиti, фалшиво божитися, облаки позабивати, сѣно спаляти, ножами трираменъ кресты у живое тѣло зарѣзовати, невинных побити и т. д. Добрѣ познае своих вѣрников Досиёй, коли о них так пише, что они суть „носителями всѣх неспокойствъ и Богу противныхъ поступковъ“.

## Из шизматицкого „раю“.

Досталисме слѣдуючу допись.

Пане Редакторе!

От нас пошов еден чоловѣк до Изы кликати батюшку, сповѣдати тяжко хворого. Каже батюшка: менѣ теперъ не паруєся ити. Взяв на ся епитрахил и книжочку, упав перед иконов на колѣна, помолився и каже: Но, теперъ уже може умерти. Потом одопер куфрик, выняв едну просфору, урѣзав малый кусник, из малої склянички на тот кусник капнув, завив у паштъчик и каже: „Аж хворого застанете живым, дайте му зѣсти сесю просфору. Во сеся просфора и сеся оживляюча вода из святой Аѳонской горы“.

На жаль хворого уже нашли мертвым.

Звѣдаю пана редактора, ци то мож и сяк сповѣдати и причащати?! Кто буде отвѣчати на судѣ сперед Богом за умерших, не сповѣданих?! Ци не такѣ сеє батюшки, як были и фарисеї, о котрых Христос казав: „Горе вам, яко затворяете царствіе небесное пред человѣки; вы бо не входите, ни входящих оставляете вnitи“ (Мо. 23, 13).

Копашново, 10. II. 1922.

М. Гелебан.

**Важность новинарства.** Даъмо будеме мати великъ и кращи церкви, если не буде свого журналу, котрим их обронити (Пій X.)

## НОВОСТИ.

— Апостолскій нунцій ко Благовѣстнику. Наша скромна газета, наш „Благовѣстник“ удостоен найвищого отличія. Его Преосвященство Епископ Айтоній заявил предпріемство наше и Его Екзелленціи апостольскому нунцію до Праги, который на то подав слѣдуючій отвѣт:

### Нунціатура апостолска.

Число 7063.

Прага, дня 4. марта 1922.

Свѧтлѣйший и Превелебнѣйший Пане!

Цѣннѣйшое письмо Твоєї Достойности с дня 15. фебруара, віедно с примѣрниками нового духовного журнала „Благовѣстник“, выданного у Твоей епархіи, получив. Коли Тобѣ из сердця гратулую к роботѣ, счастливо начатой нѣсколькими лучшими священниками, которым знамо есть, як хосенно то усиловатися на то, чтобы слово Божое явно и по домам проповѣдалося, надѣюся, и прошу от Бога, чтобы католицка вѣра была все лѣто и лѣтище обронена против усилий противников, особливо же шизматиков, и сяк добро преданія вѣры во Твоїй епархіи совершенно сохранено было. Для того благодарячи Тя из

глубины души и кроме того основателям и труженикам духовного журнала благословеніе от Бога испросивши, остаюся

Твоєї Достойности  
преданнѣйшій во Христѣ  
**Клемент Микара,**  
архієпископ,  
нунцій апостолскій.

— В Америцѣ организується великий союз свѣтских католиков для обороны вѣры. Меже членами сего союза находиться адмирал Бенсон, кто в часѣ войны управляв операціями флоты Сполученых Держав. Союз сей называється: National Council of Catholic Men“.

— В Англії число каѳоликов 1,932 000 (без Ірландії), меже которыми 3962 священники дѣйствуют. Число новонаверненных в послѣдном роцѣ: 12 621.

— В Нѣмеччинѣ началася велика борьба меже соціалдемократами и каѳоликами в справѣ преподаванія религії в школах. Каѳолики зорганизовалися в „Союз каѳоликов Нѣмеччини для обороны христіянскої школы и христіянского выховання“.

— Французский парламент 174 голосами против 129 пріяв законопроект, поставити ста-

Рок 1922.

„БЛАГОВІСТНИК“

Сторона 15.

єое посолство при папском престолѣ, у Ватиканѣ.

— **В Франції** великими кроками идеть вперед каѳоли-ческа реорганизація. Голов-ный знак сей реорганизаціи, что семинаріи знов наполни-лися питомцями. В едной (сем. св. Сулициї) находится 360 питомцов, из которых: 1 пол-ковник, 1 майор, 6 сотников, 16 поручников, 10 инженеров, 6 адвокатов, 1 лѣкарь, 1 фи-нансовый инспектор и т. д.

— **Югославія.** Як доносить „Време“ царгородскій патрі-архат за цвіну  $1\frac{1}{2}$  миллионов франков признав сербскую шиз-матицку церков автокефальною (самостойною) с патріархом на чолв. (Файнное православіе!).

— **Вименованя.** Стефан Ор-тутай, гливицьянскій админи-стратор парохом; Єеодор Ко-зутич, н.-рибинській админи-стратор—парохом; Іван Дро-гобецький, в.-рибинській админи-стратор—парохом; Іван Краф-чик професор ужгородской женск. учит. семинаріи до Бод-зашуйлаку — администратором; Антоній Демянович еп. священник до Рокосви паро-хом; Гавріел Косевій из Ко-пашиного до Стражского адми-нistrатором; Михаил Добош еп., священник до Ильницы сотрудником; Николай Такоч

из Ужка до Тихого админи-стратором; Володимир Феде-леш, довременый администратор из Тихого до Ужка адми-нistrатором; Августин Ге-гедюш, сачуровскій админи-стратор парохом.

— **Учительськое назначеніе.** Іван Михайлович убрежскі учитель назначен до Клокочова за учителя.

— + **Петро Довжан**, учитель чернянскій упокоився.

— **Нещастя—ци Божа рука?** Василь Томишиничъ, обыва-тель Новосольській (ж. Мара-марош, окр. Тересво) 14-го января так рѣшив в собѣ, что 15-го отбере ключ от гр.-каѳ. духовника и не запустить его до церкви и церков передать в руки схизматиков. Пополу-дни пошов на ловитву. Прій-шов великий вѣтер с снѣгом и через 3 дни нашли 'го снѣ-гом примуленного. — В Не-ресници (ж. Марамарош, окр. Тересва) у вечер, тамошний гр. каѳ. намѣстник-духовник (который за 25 лѣт найлучше защищав своих вѣрников) до дому ишов. Не далеко от гр. каѳ. фары стрѣтився с одним схизматиком, именем: Петром Гасинцом-Федоришиным. Сесь схизматик увидѣвшe гр.-каѳ. священника *плюнув на него*. Через 2—3 дни, коли продав

Сторона 16.

„БЛАГОВѢСТНИК“

Рок 1922.

схизматик корову свою на зарѣз и вели ю, на улицы из-гибла. Купец-жид лиш только 'му исповѣв: но теперь маеш на что сплювати. -- В Вольховцях (ж. Марам., окр. Тересво) оден чоловѣк Ів. Ч. Б. не мав щастя с дѣтьми, все умерали. Коли схизматики притискали на него, чтобы оставил свою давну, добру, милу

отцевску вѣру, тогды не зная что робити. Схизматикам скажав то, что раз не переходить. „Буду видѣти. Если Бог не отбере от мене дѣтину мою, тогды нигдѣ не пойду до вас!“ Дѣтина файнно росте, здорова. От тогды уже и другою дѣтиною обдаровав 'го Бог святый. И так вѣру гр.-кає. не оставить.

— Новый „право-славный“ агитатор. Из Ракошина доносять, что селяне на едной хижѣ видѣли ось сяку ворону:



## ПЕРЕПИСКИ · РЕДАКЦІИ.

Редакція просить воякъ реклами, предплату, листы, почтовъ посланія и т. д. исключительно на сесь новый адрес послати: Редакція „Благовѣстник“, Užhorod, u. Kaptalanska č. 3.

Многим Надїемся, что установлением нового и точного адреса редакціи, газету по сemu каждый предплатник порядочно получить.

М. Г. Уже одна допись иде!

РЕДАКТОР-ИЗДАТЕЛЬ:  
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:  
ЕМИЛІЯН БОКШАЙ.

# Священники!

Редакція „Благовѣстника“ хотяще прибѣгнути на помоч братям-духовникам в их трудной душпаstryрской роботѣ, рѣшила от 1-го мая ежемѣсячно — як додаток Благовѣстника — выдавати практичнѣ, модернѣ, куртѣ проповѣди от найлучших наших и иностранных проповѣдников. В единокаждом нумерѣ найменше по 4—5 проповѣдей буде на недѣль и праздники того мѣсяця; (одна проповѣдь также не буде довгша, як 3—4 строны, якъ має Благовѣстник).

За сей додаток священникам не требанич платити, только на то постаратися, чтобы в их парохії найменше 10 людей предплатило по 10 кор. на Благовѣстник. (Може священик и на свое имя предплатити на 10 примѣрников). Если найдеся найменше 200 таких приходников, котрѣ будуть мати по 10 предплатников в их приходѣ на Благовѣстник, додаток дораз начнем друковати.

Предплату просиме неотмѣнно, до 10-го апраля заслати, обы редакція могла ся оріентировати, сколько примѣрников треба друковати.

Просиме Вас братя-священники, подперайте нашу идею, котрой головна цѣль: укрѣпити наш фронт против всяких ворогов греко-каолической Церкви!

С почтенiem  
Редакція „Благовѣстника“  
Užhorod, Kaptalanska u. č. 3.